



Synfocity = 572

mail us at : mzsynfo@gmail.com; mizoramsynod@gmail.com - Phone - 2314648

11th February, 2016

- February 13, 2016 (inrinni) dar 10:30 - 4:00 khian Council of Serampore College bul tumin Synod Conference Centre-ah Seminar on Mission and Vision on Serampore College, tih chu neih a ni dawn a, heta tel tur hian Mizoram Synod an rawn ngen angin Aizawl khawpui chhunga Kohhran aiawh 2 zel in tir tura beisei a ni. He Seminar-ah hian Serampore College hotu rual an lo kal dawn a, February 14, 2016 (Pathianni) zanah Aizawl khawpui chhunga Kohhran lian deuh 5 ah thusawina hun siam sak an ni baw ang.

- Synod-in chhawmdawlina pe**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.n	Khua	Pek chhan	Chhungkaw zat	Chhawmdawlina pek zat
1.	Mission Vengthlang	Damlo/Rethei	1	Rs. 8,000/-
2.	Muanna Veng	Leimin tuar	10	Rs. 90,000/-
3.	Republic Veng	Accident	1	Rs. 10,000/-
TOTAL				Rs. 1,08,000/-

- Synod Hospital**

- February 5, 2016 (Zirtawpni) chawhma dar 10:00 khan Pain & Palliative Care Centre, Synod Hospital Durtlang a mi chu Rev. P.C. Pachhunga, Executive Secretary, i/c. Hospital etc, chuan Pathian hnenah hlanin a hawng.

Hawna inkhawm hi Pi Pui In, Synod Hospital-ah hman a ni a, Dr. Lalthakima, Medical Superintendent in inkhawm a kaihrui a, Rev. Ramdinmawia, Senior Chaplain in hunserh a hmang a, he Centre hawn a nih theih nana bul tumtu Pallium India, Trivandrum -a an hotu pakhat Dr. Prabakaran Naira'n thusawina hun a hmang baw.

Palliate tih awmzia chu natna tihdam ni si lova tih nep sak hi a ni a, Palliative Care tih chu natna khirh bik, damdawi thiamna ina a tihdam theih tawh loh te enkawlina a ni. Mi, natna dam thei tawh lo, dam tura beisei tawh loh te, an hun la hman tur ang ang te a tha thei ang ber leh na awm lo thei ang bera enkawlina pek hi Palliative Care-in a tum ber chu a ni. Dam lo mai ni lo, dam lo enkawltute leh an chhungte tha taka bawhzuina lo pek te pawh a huam baw a ni.

Natna dam thei lo tam tak zingah khawvelin a ngaih pawimawh ber chu Non-Communicable Diseases (NCB) zinga mi Cancer hi a ni a, Cancer bakah chuan Stroke te, natna dang avanga zeng te, kal thalo te leh AIDS natna te hi an ni. Heng natna vei te tawrhna hi a namai lo khawp mai a, taksa mai bakah rilru lam te, khawtlang leh chhungkuaah te, thlarau lam nun thleng nghawng thei a ni a, enkawlina tha pek hi an mawmawh hle a, hei tak hi Palliative Care-in a tum chu a ni. Palliative Care in service a pek theih te chu : In-patient care te, Home Care te, Day Care/OPD te, Hospice Care te leh Lusunna (bereavement) Care te an ni.

Hetieng enkawlina hi mi tam zawkin kan la hre lo mai thei a, mi natna beidawn thlak tak nei te an hun tawp lam hahdam zawka an hman ve theih nan mihringte hian tih theih tam tak kan la nei a, Pathian kutah dah ringawt lova kan tih theih ang ang te kan tih ve hi a tul hle a ni.

- February 9 - 12, 2016 chhung hian Synod Hospital leh CBM thawhona-in CBM Eye Cluster Project hnuaiah Synod Hospital, Durtlang-ah naupang MIT kalh leh MIT naute paw (Cataract) zai ngaite tan Eye Camp buatsaih a ni a. February 9, 2016 (Thawhlehi) khan Screening neih a ni a, naupang 120 chuang en an ni. Heng zingah hian zai ngai mi 17 an zai ang. He mi atan hian Dr. Schroff Charity Eye Hospital, Delhi atangin Dr. Rahman Mehta, Paediatric Ophthalmologist leh Mr. Iftekar, Sr. Optometrist te an lo kal a ni. Phai pan ngai tur mi tam takin phai lam pan ngai lova mithiam an lo kal thei hi a vanneih thlak hle a, hei hian kan thawhona zelah pawh hmsawna tam tak min thlen zel a beiseiawm a ni.

- Chhim Area**

February 5, 2016 (Zirtawpni) zan khan Lungleia Masihi Sangati Biak In tur Mission Centre Lunglawn a mi chu Rev RC Lalngakliana A/S Chhim bial chuan Pathian hnenah a hlan a. Masihi Sangati Lunglei Area hruaitute leh fellowship hrang hrang hruaitute bakah khawtual Upate leh Synod Office, Lunglei Staff ten an tawiawm tha hle a ni. He biak inah hian tunah rih chuan Meitei fellowship leh Nepali fellowship ten inkhawm nan an inhman tawm dawn a ni.

- Mission Board**

- February 7, 2016 (Pathianni) khan Synod Mission Board hnuaiah Missionary lak thar mi 104 te tirh chhuahna inkhawm, Bawngkawn Kohhran Biak In-ah neih a ni.

Tirhchhuah inkhawm hi Synod Mission Board Secretary Rev. K. Lalrinmawian a kaihrui a, Synod Mission Board Coordinator Dr. Robert S. Halliday-an missionary kal chhuak turte inhmelhriattirna hun a hmang a, Synod Moderator Rev. H. Lalrinmawian tirh chhuahna hun hmangin thuchah a sawi. Bawngkawn Bial Zaipawl leh Synod Mission Choir te an zai a, tirhchhuahthe aiawhin Pu Zonunmawian thu tawi a sawi leh a, Executive Secretary Rev. B. Sangthangan tawngtaisakna hun a hmang a, Senior Executive Secretary Rev. Lalramliana Pachuau-in malsawmnain inkhawm a tin a ni.

Synod Mission Board hnuaiah field hrang hrang 19 atana lak tharte hi Evangelist Teacher tur mi 28, Evangelist tur mi 61, Staff Nurse/Health Worker tur mi 8, Craft Teacher tur mi 6 leh Chakma Gospel Team atan mi 1 an ni.

Heng bakah hian Mission field hrang hranga thawk tur Ordained Minister 5 leh Bial vawng tur mi 13 tirh chhuah nghal an ni a, Missionary tang lai, kum 2016-a pension-a chhuak mi 7 te hnenah Ngaihhraina thuziak (citation) hlan an ni baw.

- Ramthar Committee leh Rawngbawlina Hmathlir 2015-in Cachar tlangram chu Barak Area enkawlina hnuaiah awm tura a rawt angin February 4, 2016 (Ningani) khan Synod Mission Board chuan Barak Area kutah a hlan fel ta .

- Zin**

- February 11&12, 2016 chhung hian Manipur Area Committee neih a ni a, hemi hunah hian Rev. H. Lalrinmawia, Synod Moderator, Upa H. Ronghaka, Synod Secretary (Sr), Rev. R. Lalnunluanga, Upa Lalramthanga, Upa C Thansiam, Upa R. Vanlalduha te an kal.

- February 11&12, 2016 chhung hian Presbyterian English School Programme in Phuaibuang, Daido leh Suangpuilawnah te Rev. B. Sangthanga, Executive Secretary a kal.

Contd...

□ **KTP**

♦ Synod Executive Committee (SEC) 255:41 rel angin kumin 2016 atangin KTP Day chu February 16-ah hman thin tawh tur a ni a. Kumin 2016 KTP Day hi Thawhlehi (Kohhran Hmeichhia Inkhawm zan) a nih avangin Mizoram chung leh ram pawna Branch KTP ten zan lama programme bik siam a remchang lo mai thei a. Central KTP Committee-in heng a hnuai ruahmanna point hrang hrang a siam atang hian mahni Branch remchan dan anga KTP Day programme hi hman tur a ni e.

1. Mi harsa & damlote tanpui, Veng chung & Biak in leh a vel thenfai.
2. Thisen pek
3. A remchan anga KTP thiltum & thupui zirho
4. A remchan anga mi hlate huikhawm zawnga Branch intihlimna lam hawi programme buatsaih

KTP member dinhmun chu hetiang hi a ni:

Bial KTP : 197 (2016 dinhmun) Branch KTP : 816 (2015 Rorel Inkhawm report angin)
Member : 1,38,871 (2015 Rorel Inkhawm report angin)

KTP General Conference vawi 56-na March ni 3-6, 2016 chhunga Champhaia neih tur chu ngawrh taka inbuatsaih mek a ni a, inkhawmpuina tur pandal lian tak pawh peih fel thawkhat a ni tawh a. Central KTP chuan Conference-a palai kal tum zawng zawngte chu tih dan thin angin thlen inte tihautak lo zawnga puanthuah, buhfai zanriak leh tul dangte intum turin a chah a ni.

♦ KTP General Conference vawi 56-na lo awm tura Zai Hruai Sub-Committee hmalakna in Zai hruaitu turte leh Praise Group ten nikum (2015) November thla atang khan hla zir ngawrh takin an kalpui a, February 2, 2016 thlang khan tum 15 hla zirna hun an nei tawh a ni. Hla zir tur hian Kohhran hrang hrang - Laipuitlang, Ramhlun North, Luangmual, Maubawk West, College Veng, Leitan, Vaivakawn, Tlangnuam, Bawngkawn, Saikhamakawn, Chhinga Veng, Salem Veng, Bungkawn, Ramhlun Vengchhak leh Mission Vengthlangah te an kal kual thin a, Branch KTP ten an lo dawngsawng thin a ni.

Tunah hian heng Kohhranah te hian hla zir turin ruahmanna an siam leh tawh a ni :

February 5 - Ramhlun East Kohhran February 19 - Zemabawk Kohhran

February 9 - ITI Kohhran February 23 - Chanmari Kohhran

February 16 - Chanmari West Hmar Veng Kohhran February 26 - Kulikawn Kohhran

February 23, 2016 (Thawhlehi) zan hian Chanmari Kohhranah Chanvo neitute Inhlantarna Synod Moderator hoin neih a ni ang.

□ **Kohhran Hmeichhia**

♦ February 12 - 14, 2016 chung hian Bial hrang hrangah Bial Kohhran Hmeichhe Inkhawmpui neih a ni dawn a. Bial inkhawmpui hmanpui turin Central Committee member-te hmun hrang hrangah hetiang hian an kal:

Bial	Kal turte	Bial	Kal turte
Baktawng	1. Pi Rinchawii, Chairman 2. Pi Lalrinpuii	Lungsen	1. Pi C Romawii 2. Pi PC Lalhmingthangi
Sangau	1. Pi K Vanlallawmi 2. Pi Vanlalnglaki	New Serchhip	1. Pi Maria Lalchhanhimi, Treasurer 2. Pi Lalpianthangi
Suarhliap	1. Pi C Chawngpuii 2. Pi C Lalmangaihi, Ex-Chairman	Pukzing	1. Pi Lalrokimi 2. Pi Vanlalpari
Khuangleng	1. Pi Lalbiakengi 2. Pi Zopari	Lawngtlai	1. Pi Lalfakmawii, Coordinator, KH 2. Pi Tlangmawii

♦ February 13, 2016 (Inrinni) khian Hlimen Kohhran Hmeichhe Jubilee lawmna hun hman turah Central Kohhran Hmeichhe Committee atangin Pi H Lalpianthangi, General Secretary leh Pi Zopari te an kal ang.

□ **Hruaina Eng FM Radio & TV Programme**

♦ **FEBRUARY 12, 2016 (FM ZOAWI AIZAWL @ 7:30 P.M.):**

Duet : Hmingtea ft Sailo Nutei - Kir leh rawh, **Zaipawl** : Mizo Cardinal Choir - Trinity, **Sermon** : Dr Sanghluna - Mizo thalaite leh ruitheithil ruihlo, **Solo** : Daniel - Fak rawh u, **Zaipawl** : Mizorma Synod Choir - Chawngzawng pawh hawisan lotu, **Solo** : C. Ramengmawia - Chawimawina hla thar

♦ **FEBRUARY 12, 2016 (FM LUNGLEI @ 7:30 P.M.):**

Duet : Hmingtea ft Sailo Nutei - Kir leh rawh, **Zaipawl** : Mizo Cardinal Choir - Trinity, **Sermon** : Dr Sanghluna - Mizo thalaite leh ruitheithil ruihlo, **Solo** : Daniel - Fak rawh u, **Zaipawl** : Mizorma Synod Choir - Chawngzawng pawh hawisan lotu, **Solo** : C. Ramengmawia - Chawimawina hla thar

♦ **FEBRUARY 14, 2016 (Tv Programme) @ 3:00 p.m) :**

Weekly Round Up, Missionary Tirhchhuah Inkhawm

□ **Susamachar Prasaran Programme**

♦ **FEBRUARY 14, 2016 (Pathianni) 5:00 pm.:**

Group/Choir/Solo : Diphu Pastorate Choir - Lang tha sining, **Group/Choir/Solo** : Republic Veng Masihi Sangati - Chalo mere sath, **Sermon** : Rev Vanlalbela - Isu Jevan Data He, **Group/Choir/Solo** : Khatla Masihi Sangati - Ishu Tera Wada, **Group/Choir/Solo** : Tuikual Pastor Bial - Prabhu Mere

□ **Moderator Programme**

Synod Moderator Rev. H. Lalrinmawia chuan tunkar tawpah hetiang hian hun a hmang ang :

♦ February 11 - 12, 2016 Manipur Area Committee Churachandpur

HRIATTIRNA

Synod Theological Education chuan ATC Faculty Development atan a hnuai Department tarlanah te hian kum 2017 atan M.Th leh D.Th dilna a hawng a. Synod mi rawih laite zinga dil duh te chuan Dt. 14.3.2016 (Monday) aia tlai lovah a hnuai hming ziak hnenah dilna thehluh tur a ni.

M.Th:

New Testament
History of Christianity
Communication
Counselling

D.Th:

New Testament
Christian Theology
Religions

REV. PROF. C. LALHLIRA
PRINCIPAL
AIZAWL THEOLOGICAL COLLEGE